

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiariorvm ...

Leuren, Peter

Coloniæ Agrippinæ, 1704

936. Quas uniones dissolvere possint Legatus à latere, Episcopus, aliíque
pollentes in hoc potestate ordinariâ.

[urn:nbn:de:hbz:466:1-74494](#)

PARAGRAPHVS V.

De suspensione, dissolutione, & revocatione unionum.

Questio 934. An, quando, & qualiter suspendantur uniones?

R Espondeo primò: In resignationibus in favorem solet à Papa dari suspensio unionum, uti & reservationum expectativarum, & aliarum gratiarum. Paris, de resig. l. 3. q. 7. n. 182, juxta dicta alias de resignatione beneficiorum unionum.

2. Respondeo secundò: In quacunque, quamvis generali suspensione unionum, quæ per Papam dari solet in resignationibus in favorem de beneficiis jam ante uitis, nunquam venit suspensio beneficiorum unionum in vim Decretorum Concilii Tridentini, nisi fiat de iis expressamento. Corrad. pr. benef. l. 4. c. 8. n. 6. ubi etiam habet formam, qualiter, duni datur hæc suspensio per Cancelleriam, solet extendi, & in specie, seu in terminis suspensionis unionis Seminario facta hanc dicit esse praxis, ut aliquo modo de hac unione fiat mentio in supplicatione, quam ait diversimode concipi, ut numerum vel Resignatarius in dispositiva supplicationis dicat: *Suplicat igitur humiliter S. V. Iam orator, quatenus specialem gratiam faciendo unionis de dicto beneficio Seminario N. ordinaria, seu Apostolica autoritate factam, illiusque vim & effectum hac vice suspendendo, ex hujusmodi vacacione effectum hujusmodi fortiri, aut locum sibi vindicari non posse, neque debere decernendo, resignationemque hujusmodi admittendo, &c.* Vel ut dicta suspensio petatur in clausula non obstantium, in calce prime partis supplicationis, nempe: *non obstantibus presentia unione de dicto beneficio Seminario Ecclesiastico N. ordinaria, seu Apostolica autoritate facta, quam illiusque effectum ad effectum presenti resignationis suspendere placet, &c.* Addit etiam Corrad. quod, si de unione Seminario facta non fuerit facta specifica mentio, illa non comprehendetur in generali suspensione: quin & ait, plures se vidille, hujusmodi suspensionis petitionem, etiam pro prima vice, siue denegatam, ne contingat tales uniones nunquam fere fortiri suum effectum, dum, si beneficium sic unitum de uno in alium relinquitur, daretur processus in infinitum, & sic unio redideretur frustratoria contra mentem Papæ, qui tamen concedit dictas suspensiones, quatenus credit, per hujusmodi resignationem citius unionem fortiri effectum, cum contingere possit, ut Resignatarius præmoriatur. Subiungit & aliam suspensionis talis concedenda formulam, ac denique approbare videtur illud, nempe ut ad refecendas re ligationes, Seminarium agat cum beneficiis, ut beneficium sic unitum ad favorem Seminarii relinquat cum reservatione pensionis super fructibus dicti beneficii, sive pro ipso resignante, sive pro alio ipsi bene viso, ut nempe sequatur effectus prædicta unionis, ablatâ occasione tot resignationum.



P. Leuren. Fori. Benef. Tom. III.

Questio 935. An, & a quo fieri possit dissolutione unionis?

R Espondeo primò in genere: Qui unire potest, potest etiam dissolvere factam unionem; licet qui potest condemnare, etiam potest absolvere. L. is qui potest, ss. de acquir. heret. juxta illud: *Quod iustis, returisque Praetor, contrario imperio tollere potest. L. quod iustis, ss. de re judic.* Corrad. pr. benef. l. 2. c. 15. 2. n. 48. citans c. cùm ex injuncto de heret. & Rebuff. in pr. tit. de union. revocat. n. 15. male tamē allegans illud, qui instituire potest, potest etiam delitare; quod falsum esse, saepe dictum est alibi. Garc. p. 12. c. 2. n. 302. Castrop. de benef. d. 6. p. 12. §. 4. n. 4. res enim, per quas causas nascitur, per eas & dissolvi potest, ut Castrop.

2. Limitanda tamē est responsio, ut ij, qui non iure ordinaria, sed solum consuetudine, præscriptione, privilegiū unire possunt, non possint uniones à se factas dissolvere; eò quid dissolvere est quid diversum ab unire, & consuetudo, privilegia, & præscriptio se non extendant ad contraria. Castrop. loc. cit. Azor p. 2. l. 8. c. 29 q. 5. citans Rebuff. ubi ante, n. 20.

3. Respondeo secundò in specie: Primò suspendere non tantum potest Papa uniones v.g. pro effectione resignationis beneficii uniti. Card. de Luc. de benef. l. 7. n. 2. sed & de potestate Papæ dissolvendi uniones quacunque non est dubitandum. Card. de Luca de benef. l. 48. n. 15. Azor loc. cit. Secundò Legatus de latere. Castrop. Azor. ll. cit. Tertiò Episcopus, aliisque Ordinarius potens unire beneficia. Ventrigl. To. 2. annot. 8. §. 2. n. 32. Tond. qq. benef. p. 3. c. 156. n. 3. Barbos juris Eccl. l. 3. c. 16. n. 16. Castrop. Azor ll. cit. Quartò Capitulum Sede vacante, si eo tempore potest. Castrop. Azor. ll. cit.

Questio 936. Quas uniones dissolvēre possint Legatus a latere, Episcopus, aliqui pollentes in hoc potestate ordinariā?

R Espondeo primò in genere, posse eas omnes dissolvere, quas facere possunt. Castrop. loc. cit. Hinc

2. Respondeo secundò in specie: Legatus potest dissolvere uniones factas ab Episcopo; quia has ipse facere potuit; & contrà Episcopum dissolvere factas à Legato potestate eius ordinariā. Garc. loc. cit. n. 303. Azor. loc. cit. Item factas à Predecessore suo. Ventrigl. loc. cit. n. 33. quia & has ipse facere potuit. Legatus, & Episcopus dissolvēre potest uniones factas à Papa, siquidem Papa uniendo non tollit potestatem Ordinarii. Corrad. pr. benef. l. 2. c. 15. n. 51. Garc. cit. n. 303. Castrop. Azor. Ventrigl. ll. cit. citantes Rebuff. in pr. tit. de union. revocat. n. 16. Non tamē potest Episcopus dissolvēre uniones, quas Papa fecit ex plenitudine potestatis, & non potestate ordinariā. Card. de Luca de Paroch. d. 35. n. 8. Ventrigl. cit. n. 33. Garc. n. 304. cum Per. de Peru. tr. de revocat. union. c. 4. uti nec id potest Legatus de latere. Garc. ibid. ex eodem. Sic etiam Episcopus facere non poterit dissolutionem unionis facta à Legato de latere ex speciali commissione, quam is alias potestate suā ordinariā facere non poterat. Atque ita, uti unire non potest, ita nec potest dissolvere uniones beneficiorum exemptorum Episcoporum; sed id spectat ad solum Papam, qui solus est Superior exemptorum. Azor. loc. cit. q. 5.

cit. q. 5. Tond. qq. benef. §. 3. 6. 128. n. 4. citans Rebuff. in pr. de union. revocat. n. 22. Quamvis & Legatum de latere facere posse dissolutionem ex-emptorum satis indicet Tond. loc. cit. dum ait: Horum beneficiorum solus superior est Papa, vel Legatus de latere.

Quæstio 937. An ad dissolutionem unionis requirantur cause, & quæ?

1. **R**espondeo primò: Requiritur causa justa & legitima; seu inferior Papæ, sicut sine con-currente justa causa unire, sic nec sine illa dissol vere unionem potest. Ventrigl. loc. cit. n. 34. Cor rad. l. 2. c. 15. n. 55. Garc. cit. n. 303. Castr. loc. cit. n. 4. Card. de Luc. ad Irid. d. 8. n. 34.

2. Secundo: Haec causa sunt eadem in dissolvenda, qua facienda unione, nempe utilitas, & necessitas. Corrad. loc. cit. n. 46. Castr. loc. cit. Garc. loc. cit. n. 305. Azor p. 2. l. 6. c. 29. q. 4. ubi: ob necessitatē evidentem, vel magnam Ecclesia utilitatem jure unio dissolviatur. Si ubi unio incipit esse noxia Ecclesia, v. g. si inde fraudulent eleemosynæ, si pereat hospitalitas, si religio laxetur, dissolvi justè potest. Azor loc. cit. & ex eo Garc. Sic etiam cessante causa, propter quam facta fuit unio, ea dissolvi potest, & Ecclesia ad primum statum reduci. Card. de Luca de Paroch. d. 35. n. 8. Corrad. loc. cit. n. 44. Azor loc. cit. Garc. cit. n. 305. citans Caccialup. de union. a. 9. Rebuff. in pr. tit. de union. revocat. n. 1. & 2. Redundat hoc enim in manifestam Ecclesia utilitatem, & augmentum cultus divini esse plures titulos beneficiales, quorum singuli suos distinctos Rectores habeant, qui inde congruerent vivere possint. Sic si cesset paupertas Ecclesia, ob quam facta est unio, excrescentibus fructibus, dissolvi potest unio. Corrad. loc. cit. n. 45. Azor. cit. q. 4. Dico dissolvi potest; nam eti, dum Ecclesia ex tenui redit ad pinguiores reditus, justa sit causa dissolvendi unionem, non tamen propterea se dissolvitur unio, aut ea dissolvenda est necessarium Garc. n. 306. citans Pet. de Perus. d. 3. q. 3. Cenzellini. in Clem. fin. v. defensor. de rebus Eccl. non alien. Sic si ob pestem, bellum, aliaque pericula, vel ob aëris intemperiem, soli sterilitatem, deficiente populo, unita fuit Ecclesia, redeunte dein populo dissolvi potest unio. Azor. loc. cit.

3. Respondeo tertio: Causa dissolutionis unionis, nempe dicta Ecclesia necessitas, vel utilitas non minus ad dissolutionem unionis, quam ad faciendam unionem est probanda. Castr. l. cit. Azor. cit. q. 4. in fine. citans Oldr. cors. 261. Et si ita claret, ac ea probanda est ad unionem faciendam; cum unio fit odiosa, & juri communi adversa, quod vult, ut beneficia singula singulis conferantur, & sic per rescissionem unionis Ecclesia redeat ad primum statum juri communi magis conformem. Castr. loc. cit.

Quæstio 938. Qualiter dissolvenda uniones, seu an & quæ in earum dissolutione requirantur solennitates?

1. **R**espondeo primò in genero: requiritur quoque in dissolutione unionis aliqua solennitas Ventrigl. loc. cit. n. 34. Card. de Luca de Paroch. d. 35. n. 9. & ad Trident. d. 8. n. 34. ubi: in Ecclesiis inferioribus praeternum Parochialibus, dum agitur de unione accessoria & subjectiva, vel etiam altera, qua aqua

principalis dicitur, adeò, ut de facto unus utriusque sit Rector, dissolutione, cum dicatur species alienationis, exigere rigorosas solennitates & causam, ideoque ubi apostolica auctoritas non accedat, non de facili verificabili evaluitur, ut illius dissolutionis, que cum sola Ordinarii auctoritate sit.

2. Respondeo secundo in specie: haec solennitates requiruntur sunt primo cognitio causa dissolutionis facienda; non secus enim ac in facienda unione ea cognitio requiritur. Corrad. l. cit. n. 52. Tond. qq. benef. p. 3. c. 156. n. 4. Barb. juris Eccles. l. 3. c. 16. n. ult. Ventrigl. l. cit. n. 34. Garc. l. cit. n. 307. citans Pet. de Perus. de revocat. union. a. 9. 4. Rebuff. in pr. tit. de revocat. union. a. 9. 24. Secundo consensu Capitali, Corrad. l. cit. n. 52. & 55. Barb. l. cit. Azor. l. cit. q. 5. in fine. Castr. l. cit. Garc. cit. n. 307. citans Pet. de Perus. & Rebuff. ubi ante. Tertio vocatio eorum omnium, quorum inter se, unionem non dissolvit. Tond. l. c. Azor. l. cit. q. 6. Corrad. cit. n. 55. Ventrigl. c. n. 34. Castr. cit. n. 4. Garc. n. 208. citans Pet. de Perus. ubi ante. c. 6. Rebuff. n. 26. Hinc igitur primò vocandus necessario est Rector beneficii uniti, seu qui illud unitum suo beneficio possedit, & nisi ille vocetur, dissolutione est nulla. Azor. l. cit. q. 6. Castr. l. cit. Tond. l. cit. n. 5. cum agatur de dissolutione juris etiam quæstio. Tond. ibid. Dum autem dissolutione unionis non habet effectum suum nisi post mortem Rectoris, seu possessoris illius beneficii uniti, hic vocandus non est, cum nullum ei creetur præjudicium. Ventrigl. l. cit. n. 34. Secundo vocandus est etiam Vicarius, qui in unita Ecclesia moratur, & amque administrat; quia & ejus causa agitur. Castr. l. cit. Azor. cit. q. 6. Tertio, dum ea dissolutione fit vacante beneficio principali, cui unitum erat illud aliud accessoriæ (idem est, si fiat vacante beneficio, cui a quo principaliter unitum, hoc enim non minus vacat, quam illud, dum haec unio non tollit titulum), adeò que non impedit distam vacationem) vocandus est defensor beneficii. Tond. cit. n. 5. Castr. l. cit. Garc. n. 308. citans gl. in Clem. fin. de reb. Eccl. non alien. v. vacabat. Pet. de Perus. d. 3. Rebuff. ubi ante n. 13. quia dum unio facta est ex causa necessitatis, vel utilitatis Ecclesia, ac proinde jam quæ situm jus & utilitas Ecclesia, dum agitur de se jungendo iterum beneficio ab illa, adeò que hic intervenient alienatio; cum possessorem non habeat, habere debet defensorem, qui unionem defendat, & dissolutionem impedit. Tond. Castr. l. cit. Quartò Patronus, seu is, qui per unionem ius patronatus amitterat, cum ejus inter sit, ut pote ad quem dissoluta unione hoc jus redit. Castr. l. cit. Azor. cit. q. 6. Quintò Pralatus utriusque Ecclesiæ, si beneficia unita ad diversas dioceses spectant. Castr. l. cit. Azor. cit. q. 6. Corrad. cit. n. 15. n. 56.

Quæstio 939. An, & quæ uniones ipso jure, ac sine opera Episcopi, aut alterius solventur?

1. **R**espondeo Uniones, annexiones, incorporationes Monasteriorum, Prioratum, Proprietarum, dignitatum, personatum, administratum, officiorum, & cujusvis qualitatis aut generis beneficiorum, quibus liber alii similibus, aut etiam fabricis, plurime locis factæ dissolvuntur ipso jure, habenturque pro non factis, beneficia que reciduntur ad statum pristinum, possuntque tanquam vere vacantia à Sede Apostolica impetrari, si non